



RELATÓRIU TRIMESTRÁL FUNDU MINA-RAI NIAN
Trimestre ne'ebé termina iha 31 Dezembru 2022
KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba trimestre ne'ebé termina iha loron 31 fulan Dezembru tinan 2022. Relatóriu ne'e hatudu katak kapitál Fundu nian iha trimestre ikus ne'e mak billiaun US\$17.414 kompara ho billiaun \$16.999¹ iha fim trimestre dahuluk.

Relatóriu ne'e mós hatudu katak totál reseitas mak simu iha trimestre ne'e hamutuk millaun \$429.942.

Rendimentu bruto husi investimentu Fundu nian hamutuk negativu millaun \$537.659 kompostu husi kupaun no dividendu ne'ebé simu mak millaun \$84.09, mudansa iha valór merkadu nian positivu millaun \$429.708 no movimentu cambiais mak positvu millaun \$23.86 iha trimestre ne'e. Ne'e rezulta rendimentu ba karteira Fundu nian durante trimestre ne'e 3.13% enkuantu rendimentu sasukat (*benchmark*) nian ba periodu ne'e mak 3.13%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabiliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referencia iha trimestre dala hitunulu dahuluk. Diferensia entre retornu total portofoliu no pontu referencia iha periode nee 0.00 ponto de base ou 0 porsentu. Dezenpenu retornu fundu nian hahú husi inísiu mak 4 porsentu.

Pontu importante husi Relatóriu Trimestre ba dala LXV, ne'ebé kobre período 01 fulan Outubru to'o loron 31 fulan Dezembru tinan 2022, inklui:

- Kapitál Fundus nian mak billiaun \$17.414.
- Osan kontadu bruto fundus nian tama husi kontribuisaun kontribuinte, hamutuk mak millaun \$429.942.
- Osan kontadu líquido ne'ebé sai husi Fundu durante trimestre ne'e hamutuk millaun \$552.165 kompostu husi millaun 550 transfere ba Orsamentu Estadu no millaun \$2.165 kobre kustus jestaun nian.
- Rendimentu total portofoliu Fundu nian iha trimestre ne'e mak 3.13% enkuantu rendimentu sasukat (*benchmak*) iha periodu ne'e mak 3.13%.
- Rendimentu portofoliu instrumentu merkadu finanseiru iha periodu ne'e mak 3.27% kompara ho rendimentu referencia mak 3.21%.

Relatóriu trimestrál, lei Fundu Mina-Rai nian nomós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili, 09 Fevereiru 2023

Venancio Alves Maria
Vice Governadór

¹ Balansu ida ne'e diferente oituan ho balansu ne'ebé publika tiha ona iha trimestre anterior tanba ajustamentu hodi reflète valuasaun foun divida privada ba tinan 2021 ate valuasaun foun ba tinan 2022 realiza ona.

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: info(at)bancocentral.tl